

長生大帝同救苦以回轅三皇五老以還宮
四梵九霄而回馭然後錢諸天之復位望羣
仙而翼轅拜送在會神仙歸天界者伏想輓
鳴雲路戶敞天庭濟濟仙班肅若揖冕旒而
入魏魏法駕森然擁旌節之回羽衣翩而鶴
唳頻聞音樂奏而鸞聲漸速高願兩儀交泰
二氣循常景星出有道之邦甘露液嘉禾之
地拜送在會神仙歸地府者伏想門闌嶽府
鎖掣泉扃整整鸞輿爾向官庭而入翩翩
鶴駕依然從出洞之居珠簾捲而綵女歡迎
寶駕回而瓊仙笑揖尚願佳祥啓運聖澤滿
泉嶽神生盛世之賢帝詔恤冥關之類拜送
在會神仙歸水府者伏想龍回滄海馬過洞
庭肅肅神遊儼若自帝宮而入森森法服欣
朝御座而回軒車息而月印千江琴劍收而
煙籠三島尚願恩波及物惠渥沾民四溟止
鯨窟之濤三級助魚跳之浪然後拜送在會
神仙歸陽間者伏想雲浮珍駕星列珠幢在
在山川久矣俟尊神而入堂堂祠宇肅然迎
仙聖之回靈旗捲而鐵馬嘶風天仗隨而金

貂帶月尚願尊廟食福界邦民慈雲遍化
雨之施和氣歛瘟風之散次及靈歸家廟神
鎮龕堂坊隅之內各有司存歛恤之間寂無
道響巨等夕淹颺馭出斯語以何顏遙望天
階悵此身之不羽後啓奏迎之禮尚希降格
之慈巨等下情無任俯伏攀戀之至一心奉
送

羅天大醮設醮儀

正一天師清微弟子洪自聖製作
道教學術資訊網站

玄門報孝追薦儀

壹三

自然朝行道

師堂序立

步虛

啓師

恭以金真演教弘救拔度之文王冊垂科茂
著昇遷之法存亡是賴幽顯均沾由是東極
垂教苦之慈北魁置拔亡之局可使亡魂受
度能令枯骨更生輒冒崇嚴俯垂鑑證恭惟
玄中教主諸大宗師垂下道貲三才心涵萬
象隨方設教應物流形爲生死之津梁作幽
冥之主宰切念巨某浮黎小兆靈寶徹生叨
承無量之真梯獲拜玄中之師範拯幽拔滯
濟物利人巨今謹爲入意尚慮亡魂無達苦
爽自因宿世以至今生萬罪千愆陽非陰過
罪既達於青律名必記於黑書因閉寒庭拘
留幽獄若不皈投於玉陛焉能召到於皇壇
徑仰叩於天威乞俯憐於幽滯拜貢素悃上
清青玄請降恩光開明黑暗伏願真慈汲引
聖德矜容告符命於河源變劍樹而作瓊樹

頌赤書於狴犴化刀山而為寶山願垂照燭之慧光茂歲慈悲之誓願煥明長夜輝映幽途庶俾二魂均承道果脫重泉之報對登仙境以逍遙仰賜玄恩早垂昭報但臣下情不勝虔禱之至領眾陞壇恭行典式

唱道

陞壇

燒香頌

各禮師存念如法

玄陰七靈 九炁合形 魂精魄爽 二景回輪
飛光赫奕 煥耀長春 日月吐輝 回合華英
大梵流布 奔飛火鈴 魔王受事 朝謁帝京
含靈溥濟 廣惠幽冥 玉文敷告 萬炁昇騰
和與道合真

鳴法鼓二十四通

無上三天玄元始三炁太上道君召出臣等身中三五功曹左右官使者侍香金童傳言玉女五帝真符直日香官各三十六人出出者嚴裝關啓靈壇土地里域真官等神目今正爾陞壇燒香行道謹奏為人其諸情悃

已錄上聞願得

玉清道炁靈寶妙光流入臣等身中今臣所啓之誠速達徑御

太上無極大道

東極青玄應父太一救苦天尊御前

請稱法位

具位臣某與弟子某謹同誠上啓

太上無極大道虛無自然元始天尊太上道君靈寶天尊太上老君道德天尊高上玉皇上帝句陳上宮天皇大帝中天紫微北極大帝東極青華大帝后土皇地祇十方已得道大聖眾至真諸君丈人東華南極西靈北真玄都玉京紫微上宮明皇道君上相上宰上保上傳三十六部尊經玄中大法師五帝三官四司九府九天天曹列位真宰地府水司五嶽四清名山洞府神仙聖眾三界官屬一切威靈咸望洪慈俯垂洞鑑日聞古之聖人蓋與天地合其德四時合其序大哉孝行至於日月為之明王道為之成闡公得其說於斗真誥母傳其書於太史是故淨明之法本

忠君孝親以存心盟真之齋以報祖薦親而立教以此見學仙之士曷嘗不為意於親謂誠其天常是特儒者自私之論若質諸道典宜知天真大孝之心伏念臣某猥以凡材叨奉玄學承經科而開化佩戒律以焚修離形去智同大通雖有取顏淵之語慎終追遠則歸厚常思廣曾子之言屬同門志切於薦親為祭酒義當於領奏涉降在左右幸瞻帝真穆穆之光孝悌通神明諒鑑人子區區之請既承詞旨敢不上聞

宣詞

按如詞言備殫懇款仰祈大道俯鑒小心臣聞民生於三事之如一道出於一教分於三故資事父以事君則忠孝之義盡取於治身而治國則清淨之化成其在悽真者流尤以報君為重是以九真妙戒以敬勤為入德之門三錄本科以焚修為祝禱之意教所由來遠矣學者所宜則之以今陞壇行道請法眾等運茲初檢上香願此香煙騰空徑上供養

無上至真道寶_臣等首體投地皈命

太上三尊十方眾聖以是功德上祝

皇帝聖壽萬安伏願

道奉玄聖德配皇天眷命有德者昌宗社衍

萬年之慶無為而民自化華夷歸一統之中

今故燒香自皈依

道尊大聖眾至真之德得道之後和保天長

存

臣聞人本乎祖孝始於親自禮經而言除七

廟二桃餘不在齋嘗之列以道書而論則億

曾萬祖猶應在薦拔之科蓋有先亡未受度

而不得仙亦有前世不祀祖而猶為罪是故

女青禁典中存拔贖之文靈寶本章首列追

度之品凡道士修真此為先務故

天尊設教具有明文以今陞壇行道請法眾

等運茲二檢上香

願此香煙騰空徑上供養

無上至真經寶_臣等首體投地仰依

太上三尊十方眾聖願以是功德歸流報奉

弟子末道俗二門玄祖上世先靈俾沐善功

俱超仙界伏願

三境下雞竿之詔九幽承龍簡之恩緣本思

舊宗早拔籍於泉曲之府混化歸元一即還

神於朱火之宮今故燒香自皈依

經尊大聖眾至真之德得道之後和昇入無

形

臣聞廣大精微君子之道可傳也勛勞鞠育

父母之恩莫重焉凡有血氣者且知用其情

豈思道德者而可忘其本蓋有生未伸於榮

養死尤切於追資王尊師依玉皇本行以為

親卒如其志莫氏子誦青霄隱書而拔母果

獲其成仰前哲之耿光宜後人之明鑑以今

陞壇行道請法眾等運茲三檢上香

願此香煙騰空徑上供養

無上至真師寶_臣等首體投地仰依

太上三尊十方眾聖願以是功德徑為弟子

其拔度所薦亡者其神魂出離冥途上昇仙

境伏願乘三化五鍊之功出九夜重陰之苦

眼飛根而生玉液早遊神大渺之堂咀靈芝

而漱金泉即飛步洞陽之館今故燒香自皈

依

師尊大聖眾至真之德得道之後和昇入無

形

禮方

各長跪懺悔

臣等伏聞太史昇仙傳九幽明真之典天師

得道留三八謝罪之科非熱徒薦拔於先亡

特所以發明於孝道伏念亡者其停生若夢

大患有身六塵徧滌三業繁纏滋生罪垢五

蘊非真四大假合動涉塵緣顛連於是非物

我之途流轉於情慾愛憎之地心生口語日

積月深銜鑑無私固莫逃於考覈幽明異致

亦難憶其升沉以今報孝弟子某幼師道德

之風未報勛勞之德倘先靈之未度將此念

以何安庸奉玄科以資冥福謹齋香花燈燭

法信供養之儀皈命

太上無極大道十方靈寶天尊十方救苦天

尊十鄉神仙諸靈官伏願天恩昭曠宇量含

洪念先親汨沒於世緣未能自拔凡平生註

誤於憲網咸與維新俾脫籍於幽關早化形

於丹界然願存亡兩世俱逢天開地闢之時
道俗二門均圓日照月臨之下懺謝之後昇
入無形

命魔

步虛

三啓頌

三禮

重稱法位

具位臣某等重誠上啓

三清四梵八極九霄紫闕黃房雲宮星府至
真至大無極無窮三界高真玄壇眾聖咸望
洪慈俯垂洞鑑伏念臣等栲槃散材醜維小
見栖遲玄宇雖知諫黃老之書傳習齋科豈
盡得陸張之意但以盟心於利濟輒忘越分
以行持惟三綱五常乃立人之大本而九幽
十類皆失道之窮魂爰謹薦揚庶期開度以
今奉為某懺悔亡故某及祖宗父母九幽長
夜一切苦魂雖廁處於人倫自汨沉於天理
惟五教之有親有義有別有序有信雖曰有
常犯六刑之不孝不弟不睦不嫺不任至於

不恤居上無道為下不忠禮義廉恥之俗微
放僻邪侈之習勝迷迷不覺一旦花殘銀海
而氣斷玉樓戀戀相牽萬劫足履刀山而手
攀劍樹以今弟子某求啓紫微之秘特修玉
匱之科驛簡通幽龍童效信仰惟大造特霽
殊恩神光所燭而無隱不通惠澤所加而何
寃不釋拔出地戶不為地獄之沈囚朝禮天
顏俱到天尊之法會然願乾坤交泰日月貞
明海宇承平俱在八荒之壽域天人受度獲
登無上之至具至於神虎官君龍符驛吏承
流宣化俱有開通冥道之勞崇德報功宜在
遷轉仙階之列上祈
天尊大慈之化下副臣等皈告之誠謹啓以
聞

發願

- 一願元始符命
- 二願幽夜開光
- 三願金籙度命
- 四願黑簿除愆
- 五願苦海息浪
- 六願火獄沈煙
- 七願怡神快樂
- 八願解釋冤牽
- 九願聞經悟道
- 十願進品仙階

十一願鄴都罷對
十二願學道成仙
存神燒香

香官使者左右龍虎君侍香諸靈官當令臣
行道朝修之所自然生金液丹碧芝英百靈
眾真交會在此香火爐前當願亡魂受度弟
子蒙恩十方仙童玉女接待蘭煙俾臣向來
所啓之誠速達徑詣
太上無極大道

東極青女慈父太一救苦天尊御前
出堂頌

下壇

謝師

天門九重開式展朝元之禮地獄五苦解均
承度命之功謹扣謁於師垣特恭伸於謝悃
臣某適來謹為報孝弟子某恭依教典宣闡
朝儀慮有犯於繩規恐難逃於斧鉞仰祈慈
造俯賜矜容伏願金符度命而九地皆春丹
簡宣恩而諸囚罷對亡爽悉超於道岸永澄
道遙玄門茂振於宗風均沾化育臣干冒崇
嚴下情不勝恭謝之至

回向

設醮謝恩

步虛

灑淨

宣衛靈呪

請稱法位

具位 臣某等同誠上啓

列聖 咸望洪慈洞回昭鑑 臣聞道者奉心
之用物莫能違孝為百行之先人當自勉惟
父母之功莫大與乾坤之造同符是故謹毋
○ 蕙教於黃堂先明孝道玄帝傳經於玉篋具
述報恩豈徒養生喪死之盡情亦欲積行修
緣而入妙蘇仙留摘井與慈母以立功真武
宴谷巖為二親而修呆以此見人倫之大最
為學道者之先伏念今時報孝弟子某寄跡
法中遠離膝下奉甘食美服以養其口體既
不能盡世俗之孝心求奇方妙藥以延其壽
年又安得如太平之經訓念捐世之太早莫
殺身以相從復霜露以興懷望松楸而掩淚
歲月逝矣不知魂魄以何依夢寐見之宛若

音容而相接爰修道果少福冥途然燈燒香

按玉匱盟真之典陶魂鑄魄行紫樞飛梵之

科幸法事之告成諒靈光之響答伏願皇皇

大道赫赫高真俯憐至隱之情特廣好生之

德九龍傳驛風雷渙汗於幽都萬犴停刑雨

露昭蘇於罪爽俾魂神之超度獲時刻之昇

遷九祖生天庶不負出家之意一心恭道敢

忘加修己之功 臣等下情不勝凝俟之至

請班

降聖

宣詞

○ 臣聞天雖高而聽甚卑惟誠能動子欲養而
親不待從古皆然故曾參有三釜之悲而文
正懷一食之恨以賢者尚焉此事宜方外獨
無是心未能盡養於生前必抱遺哀於身後
幸天尊垂玉匱拔亡之典使人子伸昊天罔
極之情比之廬墓以終身執喪過禮效乎刻
木以為象事亡如存論孝忱則有之皆無益
於死者豈若綠章封事陳哀悃於帝前白簡
飛符拔死魂於地下既鬼有所歸矣於人獨

無恆手乃知道教之垂科能濟禮經之不及

伏念報孝弟子某自憐薄命少遭閔凶鞠育

劬勞其何能報煮蒿悵愴徒切于懷爰修鍊

度之科少益幽冥之福荷具旂之委鑿設清

醮以謝恩伏願帝度其心天從所欲念先親

積德而未食其報憫微 臣思孝而莫致其情

特頒渙汗之恩一洗沈冥之苦庶令逝魄早

脫幽關玉眸鍊質黃華蕩形即化形於丹界

緣宇返生金房度命獲飛步於上清竄質登

真轉輪得道 臣等致恭上香謹陳亞獻

宣進狀

○ 臣聞乾元坤元乃人元之資始父相母相即
我相之肇基生生不窮念相續艱難苦惱
緣茲而后有長育顧復何思之能耐至人達
道本原大意識具父母賊貪嗔除險峻所以
報恩空結習割愛情自然去累使有相歸於
無相號真空而實不空是為入解脫門可以
到逍遙境伏念亡故某竊靡世網汨沒妄緣
慾海愛河易縱無明之性電光石火難留觀
化之身命奄泉扁名登鬼錄願九結十纏之

未淨在三途五苦以何逃念當年遣子以出家固其心之有托在今日濟幽而拔苦諒我道之垂憐伏願特推錫類之恩不廣度人之德勅陶公仙伯以校籍命韓君司馬以度魂庶今亡者某受事朱宮書名黃錄一百八十煩惱業障俱消八萬四千塵勞妄緣都盡永辭苦趣頓入仙宗從茲出入於六虛不復輪迴於三界然願弟子某實延先世師資宗祖以同昇裕及後昆道俗眷緣而迪吉學仙有遇進道無魔正妙通妙顯言有修誓不負報恩之訓始相我相悉歸無着願早登真一之門臣等致恭上香酒陳終獻

宣疏
送神

臣聞道非可象散則成烝聚則成形神本無方聽之不聞視之不見惟精神之默感則陟降之如存適舉朝儀今當拜送伏想三清上聖遊神寥廓之鄉九地冥官復職幽陰之境倏忽不知其所在彷徨恨莫以相從臣某等骨肉行尸塵泥賤品叨逢道化備在

真階或俯仰之失儀或步趨之失節存養昧飛神之法書符速接筆之規仰祈垂過以錄功庶免因齋而獲罪德何以報當益勵於焚修感不違願願常蒙於賜對臣等下情不勝攀戀之至瞻望霄衢一心拜送

回軒頌
送出化財

玄門報孝建薦儀

正一天師清微弟子百堅製作
道教學術資訊網站

諸師聖誕冲舉的獻儀

玉帝聖誕的獻儀 正月朔

臣

虹流瑞瑞騰香案於昊天鶴立馳誠薦芳罇於福地恭炷道德真香虔誠奏啓供養太上開天執符御曆含真體道昊天玉皇大天尊玄穹高上帝光嚴妙樂國王聖父天尊寶月光皇太后聖母元君金闕彌羅聖衆玉京侍衛高真悉仗真香普同供養再炷真香奏啓供養
虛無自然三清三境天尊北極紫微大帝南極天皇上帝承天効法后土皇地祇三界萬靈十方真宰是日朝賀一切真靈恭望洪慈俯垂洞鑑

宣意

伏以大道無形妙萬物而資始至真罔象制群品以御圖妙用難窺靈機莫測庸假無文之敬式彈慶聖之恭恭惟昊天玉皇大天尊玄穹高上帝天地同明日月合德浮黎真境記傳受道之初紫微上宮顯示度人之旨出寶書於天篆發金紐於霞